



BATLHAPING BA GA MAIDI



**"NGWAO SEKGABO SA RONA"
RE GO RUTA GORE O RUTE BA BANGWE
MOLAWANA WA TSAMAIISO YA DIKOLO TSA SETSO.**

A.Ditlhaloso Tsa Mafoko/ acronyms

KGT	Kgotla
DOE	Department of Education/Thuto
DOH	Department of Health /Pholo
Cogta	Cooperative governance and Traditional affairs
KGT	Kgotla
KGS	Kgosi
NGK	Ngaka
Mok	Mooki
MOPHATO	Mophato
Bojale	Bojale
MRPSW	Morupisiwa/initiate
MO ISA SETSO	Ramophato/Mma Bojale
MEC	Member of executive Council
LH	Local House (of traditional leaders)
T/C	Traditional Council
PHTL	Provincial House of Traditional Leaders
PICC	Provincial initiation Coordinating Committee
P/N	Professional Nurse
SAPS	South African Police Service
TR/SURG	Traditional surgeon
TR/N	Traditional Nurse

MOLAO

- 1.The Constitution of the RSA,1996*
- 2.Traditional and Khoi-San Leadership Act No.3 of 2019*
- 3.Customary Initiation Act- no. 2 of 2021*
- 4.The Traditional Courts Act-no. 09 of 2022*

MALOKO A KOMITI YA BOGOSI YA SETSO YA BATLHAPING BA GA MAIDI

NO.	LEINA LE SEFANE	MOGALA/TEL
1.Modulasetilo	Kgosi Keatweng Thomas Motlhabane	0792221674
2.Motlatsa -modula	Kgosi Konrad Kessekwaile Motlhabane	0825784045
3. Mokwaledi	Kgosi Kebalepile Joseph Kgantlapane	0722880863
4.Leloko la Komiti	Kgosi Phakedi Keseokile	0837276740
5.Leloko la komiti	Kgosi Keorapetse K Motlhabane(mme)	0710789442/0715534628
6.Leloko la komiti	Mme Susan Gabonewe(Mme)	0606278488
7. Kemedi- Baisa setso	Bora Mophato /bomme ba Sekolo sa bojale	

·Dikgosi tsa Ba ga Maidi

·All Applicants/ Baisa setso/ ba Mophato le bojale

Policy Guidelines -2023 and Conditions for permission for Mophato in Ba ga Maidi/

Molawana o o ka fat lase ga Molao-theo wa Aforikaborwa/Constitutions of SA le go diragatsa setso le go ikamanya le Molao wa setso wa Puso Act 2 of 2021 “Cultural Initiation Act 2021.

1.Maitlhommo a melawana ya setso ya Batlhaping ba ga Maidi

·Maikaelelo a melawana e ke go simega tsamaiso ya setso mo morafeng wa Batlhaping Ba ga Maidi le go naya tsela e thupiso ya mophato(Bogwera le Bojale) e tla tsamaisiwang ka gone.

- Gape ke go laola mokgwa o dikopo tsa borra mophatho le dikgosi di ka kopang go bolotsa/bomma mophato ka teng.
- Go tsenya tirisong mokgwa /tsela ya go tlhokomela le go tlhatlhoba dikolo tsa setso.
- Go laola dikomiti tsa setso tsa mafelo a Ba ga Maudi.
- Tshwetso ya kabelo ya mophato e dirwa ke kgosi-kgolo ka kgakololo ya ba bogosi/Royal council/Dikgosi tsa ba ga Maudi/borangwane le bo rakgadi.

2.MOPHATO- Tsamaiso le taolo ya mophato/Regulatory framework

- Mophato o rebolwa ke bogosi. Bogosi bo rebolela ba isa setso borre le bomme ba ba nang le kitso le lerato la Setso, go ntsha mophato

- Mophato , ke ngwao le setso sa Batlhaping Ba ga Maidi fela jaaka Batswana botlhe. Mophato w aba ga Maidi o ttha akaretsa mephato ya morafe yotlhe , eseng fela ya Batswana , Ka gone morafe wa Ba ga Maidi o kareditse ditshaba tse dingwe ba eleng karolo ya Setshaba sa ba ga Maidi.
- Mophato o masisi ebile o bohitha mo go tse dingwe, tse dibuiwang fela mo go b aba bolotseng.
- Mophato ke mokgwa wa go ruta basimane le basetsana , banna le basadi go nna batho tota mo setshabeng sa bone. Le go lemosa barupisiwa dikotsi tsa botshelo mo nakong ya kgolo ya bone.
- Go ya ka setso, mophato o rebolwa ke kgosi- mophato ke wa bogosi, eleng kgosi le borangwane ba bogosi.
- Go tswa ga lowe , Kgosi ga tsee tshwetso a le esi:-kgosi le borangwane, borakgadi ba bogosi ke bone ba ntshang mophato.

- Setso jaaka thuto ga e golelwe- motho a kaya setso le fa a setse a godile, mme o tshwanetswe ke go tlotlwa jaaka mogolo, fa go kgonega a abelwe mophato wa gagwe ka go dira setso /tiro ee maleba .
- Go tshwanetse ga nna le metsi a a phepa ko sekolong sa Mophato
- Dijo tse di siameng ka di nako tsotlhe

NB Go tloga ga lowe Kgosi /Kgosana , ke rra-mophato mme o ka ntsha mophato ka nako ee maleba.

Go dirwa jalo gore a ise mophato jaaka kgosi.

Batho ba ba maleba ba letlelelwa go ntsha le mophato.Go tla ngwaga ya go ntsha mophato wa ga kgosi.

Kgosi o bolotsa mophato a na le yo a moisang jaka wa losika/setlogolo kgotsa a kopilwe ke Morafe go ba isetsa bana jaaka mophato wa kgosi.

Se se dirwa ka nako ee maleba .

Fa kgosi a bolotsa mophato o tshwanelwa go newa tetla. Fa kgosi a isa mophato, ga go nne mephato epe mo motseng wa kgosi/lefelo la motse go ya setso sa Setswana.

Dikopo tsa mophato di tshwanetse go akaretsa le go naya ditso tse difarologanyeng tshono go ya ka setso sa bone sekai, Basotho, Ma Xhosa, le go ba letla go isa ka paka ee ba siametseng ya ngwaga ya mophato.

Gape Mophato (bogwera/Bojale) o seka wa dirisiwa jaaka kgwebo , e nne Setso sa go fitisetsa kitso , ngwao /ya botho go bagolo ba isago.

Re rotloetsa gore mophato /bojale Ka Setswana e nne wa Setswana, mme le wa morafe wa ma-xhosa le Basotho ba dire fela jalo ka go boloka ngwao ya se ga gabo/

Mophato jaaka setso se arogangwa le banna le basadi ba ba maikarabelo ba Morafe-

Motho yo o maleba ka setso oa letlelelwa go dira kopo ,go isa Sekolo sa setso mme di seka sekwa ke komiti ya Setso e e tla tsenyeletsa dikemedi tsa Morafe.

Mophato wa kgosi/kgosana o tshwanetse go newa leina la mophato go ya ka ditlhotlhomiso le dipaka tseo mophato o yang ka tsone.

Go a kgonega gore mophato o mosha o tla shelelelwa mophato wa bogologolo go tswelatsangwao le setso.

3.Dikopo tsa go isa Mophato

- Motho yo ratang go isa mophato o tshwanela e be ele moagi wa mo ga Maidi e bile a na le boagi jwa leruri mo motseng mongwe wa Batlhaping ba ga Maidi.
- O tshwanetse a ba a isa motseng o a nnang mo go lone.

·Kopo e tshwanetse e dirwa dikgwedi dile tharo pele ga nako ya go bolola mo kgotleng ya kgosi ya motse o mokopi a nnang mo go one.

·Motho o tshwanetse a bo ana le leina la ngwana yo a mo isang mophatong.

·Fa kgosi ya motse e amogela kopo o tlaa isa kwa ko kgotla kgolo gore e sekasikiwe ke komiti ya setso.

·Mokopi wa mophato o tshwanetse a ba ana le ngwana wa kgotla ya gagwe yo a mo isang le ba batho ba bangwe.

·Mophatong go isiwa yoo ratang mme ga go ope yoo ka patelediwang.

·Kgotla kgolo ke yone e rebolang le go anatlegisa Mephato.

·Kwa bofelong approval ya bogosi e netefadiwa ke ba komiti ya mephato ya Profense.

3.1 Tse di tlhokegang mo dikopong

- Boshupi jwa maitemogelo a batsaya karolo ba mophato le Itshupo ee netefaditsweng /Certyified.
- Lekwalo itshupo/ID ee tempilweng ya mokopi
- Lekwalo la klilinic/kgotsa ngaka la morupisiwa
- Tetla ya morupisiwa go yo o ratang go isiwa
- Tetla ya motsadfi/motlhokomedi wa yoo isiwang ale mot lase ga dingwaga tse di kailweng ke molao

Mokopi ona le gone gore a ka ikuela mo komiting ysa bogosi morago kwa komiting ya profense fa a sa kgotsofala.

·NB Bogosi kana moisa-setso ba tla dira tsotlhe gore ga go tlolo molao mo go amogeleng bana/batho mo setsong!! mme ga ba na go tsaya maikarabelo a ngwana yoo ka fa tlase ga dingwaga ketse di kailweng ka molao, fa motlhokomedi/motsadi wa gagwe a motsenya bogagagwer kgotsa a motlodisa maparego a setso a sekolo.yoo motsentseng o tla rwala maikarabelo a molao le tsotlhe

3.2 Dituelo tsa sekolo

- Selekanyetso sa tuelo se tla buisanelwa le bo rra mophato le bogosi.
- Bogosi bo tla beya tlhwatlwa godimo/maximum ee sa tshwanelwang go fetwa.
- Dijo le Setlhabo di tshwanetse go nna tse di lekanetseng , di siametse boitekanelo jwa barupisiwa /bana le batlhokomedi.

- Ditlhabo tsothe tsa mophato di tla jelwa kwa mophatong le ka letsatsi la kalogo/
- Ditlhogo di tla ntshiwa go ya ka ditso tsa baiwa.(di newa malome kgotsa ba losika lwa ga malome)

3.3 Sekolo sa bojale

Go isa setsekolo sa setso jaaka bojale ke go leka go somarela ngwao le meetlo ya setso.moisa setso o tshwanetse go dira dilo jaaka a fitlhetse di dirwa le mabaka aa lebelele sentle.

- Go isiwa basetsana le basadi go ya ka dingwaga tse di letlelelwang
- Gantsi bojale o isiwa ke bomme/basadi ba ba gamogileng ba itse setso ebile ba dira ka fa tlase ga bogosi.
- Bojale bo tsenela mo lefelong le le gaufi le legae/kgotsa fa go sirelesegileng gone go ya ka moisa setso

- Metsi, dikgong le didiriswa di le gaufi mo go bomme.
- Go na le tse di direlwang kwa sekolong le tse di direlwang mo gae, jaaka go thuba letlhaka le tse dingwe.
- Taolo ke ya basadi ba setso, mme ea tlotlwa.
- Go ka bololwa ka go latelelana mme go gorogiwa mo gae ka letsatsi le le lengwe.(Se ga se thibele gore yo mongwe le yo mongwe a dire setso sa gagwe)

3.4 MAIKARABELO A MOISA SETSO

- Go dibela mophato/bojale(Bodisa le tshireletso e e popota)
- Moisa setso o tshwanetse a bo a itekanetse /a na le bokgoni jwa go nna le mophato ,ebile a na le bathusi-(eseng sekoa sa motsofe)

·Moisa setso o tshwanelwa ke go nna le motlhokomedi kgotsa moemedi wa gagwe ka dinako tsotlhe go tsaya maikarabelo.

·Go itsise kgosi ya motse o mophato/bojale o boletseng mo go one ka ditiragalo tsotlhe tse di tlhokang kitso ya kgosi go ya ka kgonagalo/le (melao le dipeelano/terms& conditions).

·Go tshegetsa molao wa setso le seriti sa one

·Go tlhokomela le go direla barupisiwa/bojale go tshegetsa tshirelesego le boitekanelo go ya ka molao

·Go thibela go letlelelwa ga go amogela morupisiwa ope morago ga mletlha la go tswalelwa.Closing dat ya bogosi.

·Go thibela botlhoka-tsebe, tlhoriso, botagwa le bogananana kwa Setsong

- Go ruta setso le go tlhompha botho/setho sa batho
- Go diragatsa melawana ya bogosi le pusho
- Go ikgokaganya le botsadi/batlhokomedi ba moisiwa yo mongwe le yo mongwe motlhokomelong ya gagwe.
- Go tila go kgoreletsa baagi mo botshelong jwa letsatsi le letsatsi ntle le mo lefelong la mophato kgotsa bojale.
- Go netefatsa gore go na le batlhokomedi baba maikarabelo ka di nako tsotlhe.

4. Paka ya mophato/ya go isa mophato

Go latela molao wa dikolo tsa setso/ Customary initiation school Act-, go rupisiwa go nna lobaka la kgwedi kana go ya ka setso sa rra mophato mme se sakgoroletse dikolo.

Dipaka di a fetoga , ebile mophato ga wa tshwanela go thulana le paka ya sekolo, ke ka jalo go isiwang mo dipakeng tse pedi, mariga le selemo.

Mophato o tla rebolwa ka go tlovisa dingwaga go ya ka tumalano.

NB Go tla nna le Lefelo/le le kgethegileng le le itseweng ke bogosi go nna lefelo la Mophato.

·Lefelo le le tshwanetse go nna mo kgaolong ya motse o moisa Setso eleng moagi kgotsa a dumeletsweng ke bogosi jwa motse oo.

·Lefelo la Bojale le nne gaufi le Legae la moisa setso.

·Legae/kgotsa lefelo lengwe le le sirelesegileng go ya ka moisa setso.

·Bojale bo ba nna palo ee sa feteng masome a mararo(30) ka batlhokomedi ba le barataro(6).

Ka jalo paka ya sekolo sa setso e tla nna ka malatsi a boikhutso a dikolo. Sekai mariga / Setebosigo le selemo /Sedimonthole

Mokopi mongwe le mongwe o tshwanetse go tlovisa dingwaga tse tharo pele a ka dira kopo ya go bolotsa, se ele go naya bana nako ya go gola go fitlhelela dingwaga tse dilekanyeditsweng.

Ela tlhoko: Lekgotla la bogosi/Bogosi ke lone le lekanyetsang palo ya mephato mo lefatsheng la bone.

Moisa setso o tshwanetse go isa mo kgaolong ele nngwe fela, Eseng mo Ba ga Maudi le ko Dipolaseng kgotsa mafelong a mangwe.

Bogosi bo na le thata ya go lekanyetsa palo ya barupisiwa, go dira gore motho a kgone go nna le taolo ee tletseng sekai palo-kgolo ya 200(maximum number).

Palo ya barupisiwa e tshwanetse go tsamaisana le batlhokomedi (motlhokomedi a le mongwe a ka tlhokomela palo ee sa feteng 20(masome a mabedi)

Fa palo ele makgolo a mabedi (200)

batlhokomedi ba tshwanetse go nna lesome(10). eseng kwa tlase ga lesome.

NB Ela tlhoko: Palo ya barupisiwa eka lekanyediwa gore barutisi ba laole dithuto sentle. (sub group size/dikgotlana)

4.1 Ketelo ya mophato ke batlhatlhabi ba bogosi/ba pusho

- Bogosi bo tla etela mephato yotlhe kago lekola tsamaiso le go naya kgakololo.
- Ditheo tsa pusho jaaka Ba boitekanelo le ba sepodisa le bone bat la etela mophato go ya ka thiulaganyo le go tlhompametso.
- Seikokotlelo sa tsela-Lore ke la Motlhware, moretlwa, mokgalo jalo jalo(Thobane/molamu).

4.2 Nako ya thupiso/Bogwera /Bojale

- Nako e ntle ya mophato/bojale ke nako ya kgora/dipula tse dilekaneng.
- Go ka itumedisa fa nako ya go rupisa e ka nna ee lekaneng go ruta le rupisa sentle, E seka ya nna ka tlase ga kgwedi/dibeke tse nne (4).
- Nako ya go bula le go tswalelo mophato e tla rebolwa ke ba bogosi.
- Nako ya dithuto e tla tlhompwiwa
- Nako ya ketelo e a laolwa. sekai ka nako e e maleba tsa phirimane/bosigo
- Go tla nna le batlhokomedi ka dinako tsotlhe

4.2.1 Tswalelo le nako ya dikopo

- Di bulelwa Tlhakole/February di tswalelwa ka MMoranang/April 30th tsa go isa Mariga.

- Dibulelwa ka Phukwi/July di tswalelwa ka Lwetse/September 30th tsa go isa Selemo.
- Tetla e tswanetse go nna dikwedi tse pedi pele (2 months)ga letlha la go isa kgotsa go bolotsa.

NB Komiti e tla nna le application form e e nang le ditlhokego le dipeelo. Le di forms tse di tshegetsang kopo/additional government forms

4.3 Meila/ikilelo

Motho gaa ikane gongwe le gongwe,. Re tshwanetse go tlotla setso

- Ga go bolotswe mophato ka ngwaga e kgosi ya morafe e tlhokafetseng ka yone gongwe mo motseng o kgosana e tlhokafetseng ka yone.
- Ga se moila go tla ka letsoku mo gae-fa ese ka ngwaga ee ilelwang

- Motho yoo tlhokafaletsweng ke wa losika la ntlo ya gagwe o a ikilela mo ngwageng oo.
- Re tla dipaka tsa leuba/leshekere le leroborobo la bolwetsi. Sekai- Covid19
- Diritibatsi le bojalwa ga bona go letlelelwa kwa mophatong.
- Nako ya ketelo e tla rebolwa ke rra mophato.
- Ga go letlelelwe Sethuya/Guns kwa lifelong la mophato ntle fela le fa ele leloko SAPS ale mo tirong ebile a nale boitshupo jwa gore o motirong eseng lepodisi le le seng mo tirong.\
- Ga go thibelwe dinaka tsa setso go dira tiro ya bone mo mafelong a ba tlhokagalang ko go one .

4.4 Komiti ya kgokaganyo

Komiti ya bogosi e tla beya seelo sa Sehuba sa kgosi go ya ka setso

- Go tla nna le komiti tswaraganelo e e leng dikemedi tsa Ba Isa-Setso le kemedi ya bogosi le kemedi ya batsadi.
- Komiti e tla nna sebaka sa dingwaga tse tharo tsa go isiwa(Three initiation seasons)
- Go na le komiti ya bogosi ee ikarabelang mo go kgosikgolo.
- Go na le komiti ya kgokaganyo le ditheo tse di maleba tsa puso sekai, (SAPS/sepodisa, Ba Boitekanelo(Baoko le dingaka) le ba ditirelo tsa Mmasepala /Ba metse)
- Tirisano le lefapha la thuto go dira gore ban aba se kgorelediwe.

5. Dikwatlhao/Penalties

- Ga go motho ope a ka ntshang mophato o sa rebolwa ke bogosi, le Puso

- Yoo tla ntshang mophato ntle le tetla o tla atholwa go ya ka tlolo molao e a edirileng ebile fa go bonagala ikgatholoso molao o tla thibelwa go ka ntsha sekolo sa setso/mophato semolao.
- Motho yo o isitseng ngwana setso oa patelesega go duela madi a a beilweng.Bogosi bo tla tserenganya fa go tlhokega.
- Madi otlhe a tla felela fa nako ya dithuto e tswalelwa kwa mophatong.

6. Kalogo

- Go ya ka tlwaelo , mophato o goroga ka maitseboana, ka tshokologo, go santse go bonala, go direla gore bo mma bana le mmakolonyane b aba gorotshe ka megolokwane.
- Mophato o gorogela ko ga moisa setso/kgotsa kwa kgosing

- Go lalwa thojana kwa kgotleng ya moisa setso
- Fa meetlo e sena go dirwa, mophato o newa leina.
- Leina la mophato ke la basadi/bojale/ le banna/bogwera mme lona le tewa ke bogosi- Leina le tswa moshate/kgotlakgolo ee rebotseng mophato.(Go a kgonagala gore mophato o tla shelelelwa mophato wa bogolo golo o batho ba one ba ileng botlhe.)

7. Go thubiwa/Go Phatlaladiwa ga Mophato

Mophato kgotsa bojale jo bo letleletsweng semolao, bo tla phatlaladiwa kgotsa go thubiwa fa el emo kgatlegelong ya boitekanelo/pholo ya barupisiwa, kgotsa fa ele go sireletsa serodumo, seriti, le setso sa mophato /bojalejwa setso.

- Mabaka otlhe a tshwanetse go bo a lebeleletse, go tla go gataka ditshwanelo tsa botho le seriti sa setso.

·Fa mabaka a letla go tla nna kopano ya potlako le komiti ya mophato le b aba amegang go diragatsa tshwetso ya go thubiwa ga mophato. Ba sepodisa, SAPS, Ba Boitekanelo le Ba setso bat la dumalana le bogosi gore barupisiwa, Ba romelwe kae go feleletsa dithuto tsa bone morago ga go nna mo maemong aa siameng a go ka tsweletsa ka sekolo sa setso.

·Lefelo leo e tshwanetse ebe ele la sekolo se se ka fa molaong.

·Rra-mophato /Moisa setso yo o amegileng o tshwanetse go patelediwa go diragatsa ditshwanelo tsa dituelo go yo o amogelang barupisiwa.

·ka dinako tsa mophato go a tshwanela gore lefapha la Boitekanelo/pholo/le bookelo bo ipaakanyetse go ka amogela balwetsi ba mophato mme ba direlwe lefelo le le kgethegileng go tla tlhakatlhakano ee sa


tshwanelang, mme se se dirwe ka tsamaiso ya kemedi ya lefapha yo o tsayang karolo mo mererong ya dikolo tsa setso.

Kwa bokhutlong ba gaetsho “Mophatho (Setso)ga se sa motho ale mongwe-ke wa banna le bojale ga se jwa motho ke jwa basadi” Se se raya batswa setso lo tshwanetse go dibela le go sireletsa serodumo le dithuto tsa setso, Setso ke sekgabo!!!!

NB: Go tla ikobelwa molao le melawana ya mophato wa setso ya Aforikaborwa go ya ka tetla e, le gore o tsaya maikarabelo a go sala molao morago. Fa go tlhokega molawana o otlala tokafadiwa go ya ka maitemogelo a tsamaiso mo ngwageng e go sa isiweng setso ka yone.


Bojale bo tla tsamaisiwa go latela mophato wa banna go ya jaaka tlwaelo,. mme go tla tubiwa letlhaka kwa legaing la bogosing pele.

Molawana o lekotswe ke komiti ya lekgotla la Setso.

.....Date..... 19/06/2024

Kgosi: Keatweng T Motlhabane

Modula-setilo wa Komiti ya Setso:
Batlhaping Ba ga Maldi Traditional Council-
Manthe-Taung

.....Date..... 19/06/2024

Kgosikgolo: Nyoko C Motlhabane

Batlhaping Ba ga Maldi Traditional Council-
Manthe- Taung



**BATLHAPING BA
GA MAIDI**